



Pou Piblikasyon Imedya: 1/11/2022

GOUVÈNÈ KATHY HOCHUL

GOUVÈNÈ HOCHUL ANONSE PLAN SENK ANE POU EDE NOUYÒKÈ KI GEN ANDIKAP DEVLOPMANTAL YO

*Biwo pou Moun Ki Gen Andikap Devlopmantal (Office for People with Developmental Disabilities, OPWDD) yo kolabore ak moun ki gen enterè yo;
Founisè Sèvis yo pou etabli priyorite ajans kle yo*

*Plan Vize Ranfòse Mendèv, Teknoloji ak Kolaborasyon; Amelyore Ajans lan
Atravè Inovasyon; Amelyore sipò ak sèvis ki santre sou moun*

Gouvènè Kathy Hochul te anonse jodi a ke Biwo pou Moun Ki Gen Andikap Devlopmantal Eta New York la te konplete yon plan estratejik senk ane pou ede ranfòse sipò ak sèvis pou Nouyòkè yo. Devlope ak kontribisyon enpòtan ki soti nan men moun ki gen enterè yo pandan 18 mwa, [Plan Estratejik 2023-2027](#) la idantifye ak òganize priyorite enpòtan ajans yo pou gide livrezon sèvis pou moun ki gen andikap devlopmantal nan tout eta a pandan mwatyé deseni k ap vini yo.

"Rèv New York la ta dwe yon reyalite pou tout moun nan eta nou an, enkli moun ki gen andikap devlopmantal yo", **Gouvènè Hochul te deklare**. "Plan senkan sa a bay yon plan konplè pou ranfòse sipò ak amelyore sèvis nan tout eta a pou Nouyòkè ki gen andikap devlopmantal yo - pou ede bati yon eta ki pi enklizif, ekitab pou tout moun."

Plan an òganize priyorite ajans yo jan yo idantifye pa kòmantè moun ki gen enterè yo, ki te kolekte sou 18 mwa apati 2021. Plan an idantifye twa objektif jeneral ajans yo ak objektif ak yon seri inisyativ ki pral sipòte misyon ajans lan:

- Ranfòse teknoloji mendèv ak kolaborasyon an
- Transfòmasyon ajans lan atravè inovasyon ak chanjman
- Amelyore sipò ak sèvis ki santre sou moun

Plan an idantifye ranfòsman mendèv sipò dirèk la kòm yon pi gwo priyorite ki ijan. Plan an mande tou pou amelyore fason ajans lan itilize ak pataje done yo; fè amelyorasyon nan sipò ak sèvis yo; epi asire ke bezwen inik Nouyòkè yo sèvi nan ajans lan satisfè pandan tout lavi yo.

Plan an satisfè yon egzijans nan kad Lwa Ijyèn Mantal eta a ki egzije OPWDD pou prepare konsèy pou aktivite ajans yo ak opinyon publik la. OPWDD pral rapòte pwogrè nan reyalize objektif ak bi plan an bay moun ki gen enterè yo sou yon baz chak ane, chèche opinyon yo sou siksè, domèn pou amelyorasyon, ak nenpòt priyorite ki chanje.

Komisè Biwo pou Moun Ki Gen Andikap Devlòpmantal Eta New York la, Kerry Neifeld, te deklare, "Mwen trè fyè pou m pibliye plan estratejik ajans lan ki pral sèvi kòm gid nou pou amelyore eksperyans moun ki gen andikap devlopmental yo ak fanmi pa yo genyen nan sistèm nou an ak nan lavi pa yo. Plan final la reprezante pi gwo priyorite objektif ak bi moun ki gen enterè nou yo pou OPWDD pou pouswiv epi li pral dirije konsantrasyon ajans lan pandan ane k ap vini yo. Mwen pa ka tann pou m travay ansanm pou rann sistèm nan pi ekitab, dirab, ak reponn ak bezwen moun nou sipòt yo."

Senatè Eta a, John W. Mannion, te deklare, "Kòm Prezidan Komite Andikap la, mwen te defann ak tout fòs pou OPWDD travay ak moun ki gen enterè yo pou pwodui plan sa a epi rezulta a ankourajan. Sa fè plis pase dis ase depi OPWDD te devlope yon plan estratejik pou dènye fwa, kidonk mwen apresye Gouvènè Hochul ki franchi etap enpòtan sa a nan amelyore operasyon ajans yo, priyorite yo, ak idantifye fason li kapab pi byen sèvi kominote andikape yo. Pou pi devan, mwen pral konsantre sou asire ke plan an egzekite ak transparans ak sipèvizon apwopriye."

Tony Phillips, Prezidan Asosyasyon Otonomi Sosyal Eta New York (Self-Advocacy of New York State, SANYS) la, te deklare, "Nou rekonesan anvè OPWDD dèske l koute moun k ap defann pwòp tèt pa yo pandan nouvo plan estratejik la t ap devlope. Nan Asosyasyon Otonomi Sosyal Eta New York, nou kwè ke yon konsantrasyon renouvle sou sipò ak sèvis ki santré sou moun dwe vini an premye. Pandan nou gen anpil wout pou nou franchi pou abòde bezwen sipò anplwaye nou yo ak transfòrmé sistèm nou an, li klè ke nou ap franchi etap enpòtan nan bon direksyon an."

Prezidan ak Direktè Egzekitif Jeneral Asosyasyon Paralizi Serebral Eta New York la, Mike Alvaro te deklare, "Antanke inovatè pou asire aksè a sèvis sante ak klinik pou moun ki gen I/DD, CP Eta kontan wè Plan Estratejik OPWDD a anbrase wòl enpòtan sèvis pa yo jwe nan amelyore sante moun ki andikape yo nan Eta New York. Nou pa ka tann pou travay avèk OPWDD pandan y ap ankouraje meyè pratik ak sipòt inovasyon atravè ajans yo pou rasyonalize aksè pandan y ap ankouraje inovasyon nan lojman, klinik, aktivite lajounen, travay, ak lòt sèvis enpòtan pou amelyore kalite lavi ak sante an jeneral nan kominote nou an."

Prezidan ak Direktè Egzekitif Jeneral Alyans pou Enklizyon ak Inovasyon New York la, Michael Seereiter, te deklare, "Alyans Pou Enklizyon ak Inovasyon (Alliance for Inclusion and Innovation) NY akeyi piblikasyon Plan Estratejik OPWDD a, ki konkli yon pwosesis planifikasyon konplè ki angaje pati konsène yo ak objektif pou kreye yon sistèm livrezon ki asire aksè, ekite ak dirabilite nan sipòt bezwen moun ki gen andikap entelektyèl ak devlòpmantal yo nan Eta New York. Nou pran angajman pou nou

kontinye travay avèk OPWDD kòm yon katalizè pou chanjman pozitif ak resous prensipal pou moun ki gen andikap yo, fanmi yo ak òganizasyon k ap sipòte yo."

Thomas McAlvanah, Direktè Egzekitif Konsèy Entè-Ajans pou Ajans Andikape Developman yo, te deklare, "Konsèy Entè-ajans lan kontan anpil pou I kreye patenarya ak OPWDD pandan I ap anbake nan pwosesis planifikasyon estratejik li a pandan 5 ane k ap vini yo. Nou etann felisitasyon nou pou efò yo fè pou koute defansè yo, fanmi yo, founisè sèvis yo ak tout manm kominate I/DD yo nan elabore vizyon li pou lavni. Mèsi a Gouvènè Hochul, Komisè Neifeld ak lidèchip OPWDD."

Yvette Watts, Direktris Egzekitif New York Association of Emerging & Multicultural Providers, Inc., te deklare, "Vizyon ki atikile nan Plan Estratejik OPWDD a repete angajman Gouvènè Hochul pran anvè Divèsite, Ekite ak Enklizyon e nou menm, nan New York Association of Emerging & Multicultural Providers (Asosiyasyon Founisè Emèjan & Milti-kiltirèl nan New York), nou pare pou nou fè patenarya ak li ak ekip li a pou transfòme lavi moun ki gen andikap entelektyèl ak devlopmantal yo lè nou asire ke yo tande tout vwa yo. Sa se yon gwo premye pa."

Prezidan ak Direktris Egzekitif Jeneral People Inc., Rhonda Frederick, te deklare, "People Inc. kontan wè vèsyon final Plan Estratejik Biwo Eta New York la pou Moun ki gen Andikap Devlòpmantal la reyalize. Pwosesis pou mete plan an ansam te byen panse epi enklizif, ak opinyon ki soti nan yon gran varyete moun ki gen enterè atravè divès mwayen pou asire ke yo te tande tout vwa yo. Plan 5.07 la pral fikse estanda pou sèvis pou moun ki gen andikap devlòpmantal yo nan Eta New York epi People Inc. pa ka tann yon avni briyan."

Plan Estratejik 2023-2027 OPWDD ak enfòmasyon sou pwosesis planifikasyon an disponib sou [sitwèb OPWDD](#) a. OPWDD pral fè Plan Estratejik la ak yon rezime plan an nan langaj ki senp disponib nan 12 lang.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418